

Na osnovu člana 32. Zakona o javnim nabavkama („Službeni glasnik BiH“, broj 39/14), a nakon provedenog otvorenog postupka, te na osnovu Odluke o izboru najpovoljnijeg ponuđača, broj:11/07-14-40383-7/19 od 20.01.2020. godine kojom se prihvata ponuda ponuđača „TRIGLAV OSIGURANJE“ d.d. Sarajevo, kao najpovoljnija, zaključuje se:

**OKVIRNI SPORAZUM O NABAVCI USLUGA OSIGURANJA**  
**LOT 2 - OSIGURANJE RADNIKA od posljedica nesretnog slučaja – nezgode**

Zaključen dana, 21.01.2020. godine u Sarajevu između:

1. Ministarstvo za obrazovanje, nauku i mlade Kantona Sarajevo, ul. Reisa Džemaludina Čauševića br. 1, ID broj: 4200666870003 koga zastupa i predstavlja ministrica mr. Zineta Bogunić (u daljem tekstu: Ugovorni organ) i
2. „TRIGLAV OSIGURANJE“ d.d. Sarajevo, ulica Dolina broj 8, IDB 420024747003 kojeg zastupa izvršni direktor za poslove osiguranja Edin Muftić (u daljem tekstu: Pružalac usluga).

**UVOD**

Okvirni sporazum se zaključuje na osnovu Odluke o izboru najpovoljnijeg ponuđača broj: 11/07-14-40383-7/19 od 20.01.2020. godine, kojom je odabran najpovoljniji ponuđač u provedenom postupku javne nabavke.

**I - PREDMET OKVIRNOG SPORAZUMA**

**Član 1.**

Predmet ovog Okvirnog sporazuma je pružanje usluge – **OSIGURANJE RADNIKA od posljedica nesretnog slučaja – nezgode**, a u svemu prema prihvaćenoj Ponudi Pružaoca usluge broj: 02-112/20 od 07.01.2020. godine, koja čini sastavni dio ovog Okvirnog sporazuma.

Ovim Okvirnim sporazumom ugovorne strane su saglasne da mogu tokom cijelog ugovornog perioda zaključivati ugovore iz oblasti za koje je proveden otvoreni postupak javne nabavke.

**Član 2.**

Okvirni sporazum se zaključuje na period od 3 godine (01.01.2020. – 31.12.2022. godine) Za svaku kalendarsku godinu ugovorni organ će zaključivati pojedinačne ugovore od 01.01. do 31.12. tekuće godine.

**Član 3.**

Ugovorni organ i Pružalac usluge su saglasni da Okvirni sporazum realizuju prema već definisanim uslovima u Obavještenju o javnoj nabavci putem otvorenog postupka i prema tenderskoj dokumentaciji za ugovor o pružanju usluga i to:

- Ugovorni organ prema zahtjevima u Obavještenju i Tenderskoj dokumentaciji
- Pružalac usluge prema dostavljenoj ponudi i dokumentaciji sa preciziranim ponudnim uslovima u prijavi na otvoreni poziv.

#### **Član 4.**

Ugovorni organ je dužan prilikom potpisivanja Okvirnog sporazuma imenovati osobu koja je zadužena za kontaktiranje sa predstavnicima Pružaoca usluge, odnosno potpisivanje eventualnih zapisnika.

~~Ispred Ministarstva za obrazovanje, nauku i mlade Kantona Sarajevo imenuje se Ida Ramadanović za kontaktiranje sa predstavnicima Pružaoca usluge.~~

### **II – UGOVOR, CIJENA I NAČIN PLAĆANJA**

#### **Član 5.**

Za svaki pojedinačni ugovor Pružalac usluge je dužan dostaviti garanciju za uredno izvršenje ugovora.

#### **Član 6.**

U obim usluga iz člana 1. Ovog Okvirnog sporazuma podrazumjevaju se usluge po prihvaćenim cijenama (Prema specifikaciji iz Obrasca za cijenu ponude i prihvaćenoj ponudi).

Ugovorni organ zadržava pravo potpuno ili djelimične realizacije nabavke predmetnih usluga. Ovaj Okvirni sporazum ne predstavlja obavezu ugovornom organu. Obaveza nastaje tek kada se zaključi pojedinačni ugovor o pružanju usluga nabavke osiguranja u skladu sa uslovima iz Tenderske dokumentacije Ugovornog organa, te shodno potrebama Ugovornog organa.

Ukupna vrijednost Okvirnog sporazuma iznosi 1.021,766,40 KM.

#### **Član 7.**

Pružalac usluga obavezuje se da će ugovorene usluge izvesti blagovremeno, stručno i kvalitetno, a u skladu sa tenderskom dokumentacijom i prihvaćenom ponudom.

Pružalac usluga obavezuje se da neće umanjiti iznos osiguranja za navedeni period ugovornog odnosa.

Pružalac usluge se obavezuje na nepromjenljivost ponuđenih cijena tokom cijelog ugovornog perioda, te naknadne izmjene neće biti moguće.

### **III – MJESTO PRUŽANJA USLUGA**

#### **Član 8.**

Bez teritorijalnog ograničenja.

#### **Član 9.**

Pružalac usluge se obavezuje da će pružanje usluge koja je predmet ovog Okvirnog sporazuma izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.

Ugovorni organ će utvrditi razuman rok za ispravku propusta Pružaoca usluge u smislu izvršene usluge.

#### Član 10.

Ovaj Okvirni sporazum se zaključuje od 01.01.2020. do 31.12.2022. godine.

U slučaju eventualnih primjedbi Ugovornog organa na kvalitet usluga, Okvirni sporazum se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog Okvirnog sporazuma.

Odredbe ovog Okvirnog sporazuma ne mogu se mijenjati nakon njegovog zaključenja.

#### IV – ZAVRŠNE ODREDBE

#### Član 11.

Ugovorne strane su saglasne da će eventualne sporove proizašle iz ovog Okvirnog sporazuma nastojati rješavati dogovorno u duhu dobrih poslovnih običaja, sporazumno, u pisanoj formi.

U slučaju da se spor ne može riješiti sporazumno, ugovorne strane će spor rješavati kod nadležnog suda.

#### Član 12.

Svaka od ugovornih strana može otkazati ovaj Okvirni sporazum pismenim putem uz otkazni rok od 15 dana iz svih razloga propisanih Zakonom o obligacionim odnosima.

#### Član 13.

Ovaj Okvirni sporazum stupa na snagu danom potpisivanja obje ugovorne strane.

#### Član 14.

Ovaj Okvirni sporazum je sastavljen u 4 istovjetna primjerka, po 2 za svaku ugovornu stranu.

PRUŽALAC USLUGE

IZVRŠNI DIREKTOR

Edin Muftić

Broj: 02-1334/20

Datum: 30. 01. 2020

NARUČILAC USLUGA

MINISTRICA

Mr. Zineta Bögunić

Broj: 11/07-14-40383-9/19

Datum: 21.01.2020.